

Sjøfiske etter laks og sjøaure. Førebelse tal, 2008

Rekordlåg laksefangst i sjøen

Førebelse tal viser ein fangst på 388 tonn villaks og sjøaure i norske fjordar i år. Dette er om lag 50 tonn, eller 12 prosent, mindre enn året før.

Nedgangen kjem av sterke reguleringar i fisket frå og med 2008. Fisketida har vore avkorta i alle fylka, men med regionale forskjellar. Finnmark har hatt minst avkortingar, medan det i Hordaland berre har vore tillate med prøvefiske. Det har resultert i færre fiskarar og mindre fangst i dei fleste fylka. Størst nedgang i fangsten hadde Troms, Sør-Trøndelag og Møre og Romsdal, med respektive 27, 16 og 11 tonn. Finnmark og Nord-Trøndelag hadde størst auke.

Fisken var fordelt på 381 tonn laks og 6 tonn sjøaure. Gjennomsnittsvakta for laks var 4,7 kilo i 2008, mot 4,8 kg året før. 17 prosent av laksen vog under 3 kilo, 42 prosent mellom 3 og 7 kilo, medan 41 prosent var over 7 kilo. Prosenttala for 2007 var respektive 13, 51 og 36.



I Finnmark, som er det viktigaste laksefylket, blei det fiska om lag 211 tonn laks. Dette er 55 prosent av den totale laksefangsten. Blant kommunane hadde Alta, Namsos og Sør-Varanger dei største fangstane.

Sjøfiske, etter laks og sjøaure. 2006-2008*. Tonn og 1 000 stk.

	2006			2007			2008*		
	Tonn			1 000 stk					
I alt	523	438	388	128	94	83			
Laks i alt	512	428	381	123	90	80			
Under 3 kilo	101	56	65	48	25	28			
Mellom 3 og 7 kilo	278	219	161	61	48	35			
7 kg og over	133	153	156	14	17	17			
Sjøaure og sjørøye	11	10	6	5	4	3			

Sjøfiske, etter laks og sjøaure. 2007 og 2008*. Kommunar med størst fangst. Tonn

	2007*	2008*
Alta	33,9	48,3
Namsos	22,4	32,4
Sør-Varanger	29,7	29,6
Loppa	22,1	26,9
Lebesby	22,8	16,5
Nordkapp	10,5	15,2
Deatnu Tana	11,4	12,8
Hasvik	6,5	11,3
Porsanger	11,9	10,6
Rissa	10,4	9,3